



МОНГОЛ УЛСЫН ЗАСГИЙН ГАЗРЫН ТОГТООЛ

2020 оны 12 дугаар сарын 23-ны өдөр

Дугаар 230

Улаанбаатар хот

**УЛСЫН БҮРТГЭЛИЙН ҮЙЛЧИЛГЭЭНИЙ ХӨЛСНИЙ ХЭМЖЭЭГ ШИНЭЧЛЭН ТОГТООХ
ТУХАЙ (ЭНЭ ТОГТООЛЫГ 2021-7-1-НИЙ ӨДРӨӨС ЭХЛЭН ДАГАЖ МӨРДӨНӨ)**

Улсын бүртгэлийн ерөнхий хуулийн 21.2-т заасныг үндэслэн Монгол Улсын Засгийн газраас ТОГТООХ нь:

1. "Улсын бүртгэлийн үйлчилгээний хөлсний хэмжээ"-г хавсралт ёсоор шинэчлэн тогтоосугай.

(Энэ тогтоолын хавсралтад Засгийн газрын 2023 оны 70 дугаар тогтоолоор нэмэлт, өөрчлөлт орсон)

2. Энэ тогтоолын хэрэгжилтэд хяналт тавьж ажиллахыг Хууль зүй, дотоод хэргийн сайд Х.Нямбаатарт үүрэг болгосугай.

3. Энэ тогтоол гарсантай холбогдуулан "Улсын бүртгэлийн үйлчилгээний хөлсний хэмжээг тогтоох тухай" Засгийн газрын 2010 оны 9 дүгээр сарын 15-ны өдрийн 237 дугаар тогтоолыг хүчингүй болсонд тооцсугай.

4. Энэ тогтоолыг 2021 оны 7 дугаар сарын 1-ний өдрөөс эхлэн дагаж мөрдсүгэй.

МОНГОЛ УЛСЫН ЕРӨНХИЙ САЙД У.ХҮРЭЛСҮХ

ХУУЛЬ ЗҮЙ, ДОТООД ХЭРГИЙН САЙД Х.НЯМБААТАР



ХУУЛЬ ЗҮЙ, ДОТООД
ХЭРГИЙН ЯАМ

2021.07.01-ээс эхэлж мөрдөгдөх улсын бүртгэлийн үйлчилгээний шинэчилсэн хөлсний хэмжээ



Монгол Улсын Засгийн газрын
2020 оны 230 дугаар тогтоол

№	Улсын бүртгэлийн байгууллагаас үзүүлэх үйлчилгээний нэр	Үйлчилгээний хөлсний хэмжээ (₮)
Нэг. Иргэний улсын бүртгэлийн үйлчилгээ		
1.1.	Төрсний бүртгэлд бүртгэж, гэрчилгээ олгох	Үнэ төлбөргүй
1.2.	Төрсний гэрчилгээ дахин олгох	10,000 ₮
1.3.	Гэрлэсний бүртгэлд бүртгэж, гэрчилгээ олгох	2,500 ₮
1.4.	Гэрлэсний гэрчилгээ дахин олгох	10,000 ₮
1.5.	Гэрлэлт дуусгавар болсны бүртгэлд бүртгэх	2,500 ₮
1.6.	Гэрлэлт сэргээсний бүртгэлд бүртгэх	2,500 ₮
1.7.	Эцэг (эх) тогтоосны бүртгэлд бүртгэх	2,500 ₮
1.8.	Үрчилсний бүртгэлд бүртгэх	2,500 ₮
1.9.	Овог, эцэг (эх)-ийн нэр, өөрийн нэр өөрчилсний бүртгэлд бүртгэх	2,500 ₮
1.10.	Хүйс өөрчлөгдсөний бүртгэлд бүртгэх	2,500 ₮
1.11.	Биеийн давхцахгүй өгөгдөл (гарын хурууны хээ)-ийн бүртгэлд бүртгэх	Үнэ төлбөргүй
1.12.	Төрсний болон гэрлэсний гэрчилгээг сольж олгох	5,000 ₮
1.13.	Нас барсны бүртгэлд бүртгэж, гэрчилгээ олгох	Үнэ төлбөргүй
1.14.	Монгол Улсын иргэний үнэмлэх анх удаа олгох болон 25, 45 насанд сольж олгох	15,000 ₮
1.15.	Монгол Улсын иргэний үнэмлэх дахин олгох	30,000 ₮
1.16.	Үндэсний энгийн гадаад паспорт олгох (5, 10 жил)	27,500 ₮ (Үйлчилгээний хөлс-12,500, бичилтийн үнэ-15,000)
1.17.	Үндэсний энгийн гадаад паспорт дахин олгох (хуудас, хугацаа дууссан тохиолдолд)	27,500 ₮ (Үйлчилгээний хөлс-12,500, бичилтийн үнэ-15,000)
1.18.	Үндэсний энгийн гадаад паспорт дахин олгох (хаясан, үрэгдүүлсэн, гэмтээсэн тохиолдолд)	40,000 ₮ (Үйлчилгээний хөлс-25,000, бичилтийн үнэ-15,000)
1.19.	Үндэсний энгийн гадаад паспортыг гадаадад суугаа дипломат төлөөлөгчийн газраар дамжуулан олгох	48,500 ₮
1.20.	Хил орчмын нутагт зорчих нэг удаагийн үнэмлэх олгох	3,000 ₮
1.21.	Хил орчмын нутагт зорчих олон удаагийн үнэмлэх олгох	10,000 ₮
1.22.	Нийслэлээс аймагт, нэг аймагаас өөр аймагт шилжин суурьших хөдөлгөөнийг бүртгэх	2,500 ₮
1.23.	Аймагаас нийслэлд шилжин суурьших хөдөлгөөнийг бүртгэх	5,000 ₮
1.24.	Аймаг, нийслэлийн дотор шилжин суурьших хөдөлгөөнийг бүртгэх	1,500 ₮
Хоёр. Хуулийн этгээдийн улсын бүртгэлийн үйлчилгээ		
2.1.	Хуулийн этгээдийн нэр баталгаажуулах	10,000 ₮
2.2.	Хуулийн этгээдийн нэр баталгаажуулсан хугацааг сунгах	15,000 ₮
2.3.	Хуулийн этгээд, түүний салбар, төлөөлөгчийн газрын улсын бүртгэлийн гэрчилгээ олгох	Үнэ төлбөргүй
2.4.	Хуулийн этгээдийн улсын бүртгэлийн гэрчилгээ дахин олгох	88,000 ₮
2.5.	Хуулийн этгээдийн салбар, төлөөлөгчийн газрын гэрчилгээ дахин олгох	40,000 ₮
2.6.	Тамга, тэмдгийн хяналтын дугаар олгох	10,000 ₮
Гурав. Эд хөрөнгийн эрхийн улсын бүртгэлийн үйлчилгээ		
3.1.	Монгол Улсын иргэнд төрөөс үнэ төлбөргүй өмчлүүлсэн газрын эрхийг бүртгэж, гэрчилгээ олгох	Үнэ төлбөргүй
3.2.	Монгол Улсын иргэнд төрөөс худалдаж өмчлүүлсэн газрын эрхийг бүртгэж, гэрчилгээ олгох	Үнэ төлбөргүй
3.3.	Газраас бусад үл хөдлөх эд хөрөнгө өмчлөх эрхийг улсын бүртгэлд анх удаа бүртгэж, гэрчилгээ олгох	Үнэ төлбөргүй
3.4.	Төрийн өмчийн үл хөдлөх эд хөрөнгийн эрхийг эд хөрөнгийн эрхийн улсын бүртгэлд бүртгэх	Үнэ төлбөргүй
3.5.	Хуулиар төрийн болон албаны нууцад хамааруулсан үл хөдлөх эд хөрөнгийн эрхийг эд хөрөнгийн эрхийн улсын бүртгэлд бүртгэх	Үнэ төлбөргүй
3.6.	Төрөөс үнэ төлбөргүй хувьчилсан орон сууцыг өмчлөх эрхийг бүртгэх	5,000 ₮
3.7.	Хөдлөх эд хөрөнгө өмчлөх эрхийг анх удаа бүртгэж, гэрчилгээ олгох	Эрхийн улсын бүртгэлд тусгах үнийн дүнгийн 1 хувь
3.8.	Эд хөрөнгийн өмчлөх эрх шилжилтийг бүртгэх	20,000 ₮
3.9.	Гэрээ, хэлцлийн үндсэн дээр бүртгэл салгаж, шинээр бүртгэх	20,000 ₮
3.10.	Эд хөрөнгийн эрхийн улсын бүртгэлд нэмэлт, өөрчлөлт оруулах	8,000 ₮
3.11.	Үл хөдлөх эд хөрөнгө өмчлөх эрхтэй холбоотой дараах бусад эрхийг улсын бүртгэлд бүртгэх: -түрээсийн гэрээ; -сервитут; -узуфрукт; -усан замын тээврийн хэрэгсэл, агаарын хөлгийн санхүүгийн түрээс (лизинг)-ийн гэрээний эрх; -бусдын газар дээр барилга, байгууламж барих эрх.	10,000 ₮
3.12.	Газар эзэмших, ашиглах эрхийг улсын бүртгэлд бүртгэх	Үнэ төлбөргүй
3.13.	Үл хөдлөх эд хөрөнгийн барьцаа (ипотек)-ны болон батлан даалтын гэрээний эрхийг улсын бүртгэлд бүртгэх	Гэрээний үндсэн үүргийн үнийн дүнгийн 0.05 хувь
3.14.	Барьцаалбар бүртгэх	3,000 ₮
3.15.	Барьцаалбарт оруулсан өөрчлөлтийг бүртгэх	5,000 ₮
3.16.	Гэрээнд оруулсан нэмэлт, өөрчлөлтийг бүртгэх	5,000 ₮
3.17.	Эд хөрөнгийн эрхийн улсын бүртгэлд бүртгэгдсэн гэрээг дуусгавар болгох, цуцлах	Үнэ төлбөргүй
3.18.	Эд хөрөнгийн эрхийн улсын бүртгэлд урьдчилсан тэмдэглэл хийх	5,000 ₮
3.19.	Эд хөрөнгийн эрхийн улсын бүртгэлийн урьдчилсан тэмдэглэлийг хүчингүй болгох	Үнэ төлбөргүй
3.20.	Эд хөрөнгө өмчлөх эрхийн гэрчилгээг дахин олгох (хаясан, үрэгдүүлсэн, гэмтээсэн тохиолдолд)	20,000 ₮
3.21.	Эд хөрөнгийн эрхийн улсын бүртгэлийг хаах	Үнэ төлбөргүй
Дөрөв. Улсын бүртгэлийн мэдээллийн сангаас лавлагаа олгох үйлчилгээ		
4.1.	Улсын бүртгэлийн лавлагаа олгох (хураангуй)	1,000 ₮
4.2.	Улсын бүртгэлийн лавлагаа олгох (дэлгэрэнгүй)	5,000 ₮
4.3.	Архивын баримтаас хуулбар олгох (хуудас тутам)	500 ₮
4.4.	Улсын бүртгэлийн цахим үйлчилгээний системээс лавлагаа олгох	Үнэ төлбөргүй